

Hue, día d'o mayestro, iste poema d'o libro O TIEMPO Y OS DÍAS, recuerdo d'a escuela d'a mía nineza...Lo deixo sinse traducción, creigo que ye fácil d'entender.
Ánchel Conte

doña pepita voz chilona
oración ta empenciare o día
uellos encara apegáus
mans cheladas
que no calienta la estufeta de leña
abre toza fuella
a tabla d'o siete
os pecaus capitals
as bienaventuranzas
perqué nieva y perqué pleve
a capital d'italia
recreyo a meyo maitín
corridas y chapetas n'a plaza
adrento adrento
moisés o paso d'o mar royo
chaime primer y a conquista de valencia
dictado y muestra
padrenuestro avemaría
y gloria
caralsol mans t'alto
pa rematar a mañana
chenta
dos horas més d'escuela
rezo y canta pa rematar
dimpuestas a libertat
a plaza emplida de ninos
corridas marro pirulos chilos
entre toz tu y yo
yo y tu aire y uembra
entre tanta escureldat
luz y rayo
a tuya gollada
o tuyo riso
o tuyo paso tobo
cartera n'a espalda
resón de zagals dende luen
camín de casa
buena nueit hasta mañana
sabebe que te querebe
no sé si tu lo sabebas

Foto: escuela d'os años 40/50. Quitada d Internet

